

Հին ՀԱՅԿԱԿԱՆ ԱՍՏՂԱՏՈՄԱՐԱԿԱՆ ՏԵՐՄԻՆՆԵՐԻ
ԿԱՌՈՒՑՎԱԾՔԱՅԻՆ ՎԵՐԼՈՒԾՈՒԹՅՈՒՆ

ՎԱՅԱ ԱՎԵՏԻՍՅԱՆ

Եթե հայ աստղագիտության պատմության մասին բավականաչափ գրականություն կա, ապա աստղագիտական տերմինաբանությունն առ այսօր չի ենթարկվել խոր և համակողմանի ուսումնասիրության, չկան նույնիսկ առանձին աստղագիտական տերմինաբաններ: Այդ բացը լրացնելու համար անհրաժեշտ է աստղագիտական տերմինաբանությունն ուսումնասիրել սկսած նրա ծագումից մինչև զարգացման արդի վիճակը: Ելնելով աստղագիտության պատմության ուսումնական ձեռնարկում տրված շրջանաբաժանումից¹, աստղագիտական տերմինաբանության հետազոտությունը նպատակահարմար է կատարել երեք շրջաններով. առաջին՝ ձին կամ գրաբարյան շրջան (մինչև XIX դ. սկիզբ), երկրորդ՝ նախասովետական շրջան (XIX դ. սկզբից մինչև XX դ. սկիզբ) և երրորդ՝ ժամանակակից շրջան (XX դ. 20-ական թվերից մինչև մեր օրերը)²:

Գիտության զարգացման արդի փուլում տերմինահամակարգերում, ինչպես և լեզվի ընդհանուր բառապաշարում, գերակշռում են բաղադրյալ տերմիններն ու բառերը, ինչ չի կարելի սանդ գիտությունների կազմավորման փուլի համար, հատկապես այնպիսի գիտությունների, որոնք ծագել են հնագույն դարերում: Հայ աստղագիտության կամ տոմարագիտության (հնում աստղագիտությունն ավելի շուտ տոմարագիտություն էր) հին շրջանի տերմինների գրեթե կեսը պարզ (առմատական) է. աստղ : : աստեղ, դէզ||գեղ, ասուպ, եթեր, կամար, շող, շեղ, հողով=պտոյտ, հիւսիս, հարաւ, երկին(ք), երկիր, սաբոս (խավարման պարբերություն) և այլն³ (աստղագիտական տերմիններ), նահանջ, դար, ամ, տարի, ըոպէ, պահ, նուագ, շաւիղ, ժամ, ար, աշուն, ձմեռն, Ձուկն, Կոյս, Յուլ, Առիւծ, Շնիկ, Խոյ, Կշիռ, Արծուի, Ջերի, Լուծ, Քնար, Օձ, Նետ, Հրատ, Կարապ, Դելփին և այլն (համաստեղությունների, մոլորակների, աստ-հարուն, ամառն, ուրբաթ, տիւ, գիշեր և այլն (տոմարական տերմիններ), Հայկ, ղերի անուններ): Արմատական տերմիններն առհասարակ ունեն մի «թերություն», այն է՝ ի վիճակի չեն արտահայտել բարդ գաղափարներ, բարդ հասկացություններ: Սակայն փոխարենը խիստ գործուն են նոր բառերի ու տերմինների ստեղծման մեջ: Այսպես, օրինակ՝ «աստղ (բնիկ հայ բառ). ածանցման մեջ մտնում է երկու ձևով՝ աստեղ — և աստղ —. առաջինից ունենք աստեղաբաշխ, աստեղատուն, աստեղագէտ, աստեղագիտութիւն, աստեղանշմար, բազմաստեղք. երկրորդից՝ աստղագէտ, աստղանշան, աստղիկ «արուսեակ. նաև Աստվածուհին», աստղկեան, անաստղ, բազմաստղ, շնաստղ: Նոր գրականի մեջ աստղալից, աստղածաղիկ, աստղանիշ և այլն²: Մի այլ օրինակ. լույս արմատական տերմինից Հ. Աճառյանը ներկայացնում է հետևյալ կազմությունները. «լուսաբեր (Արուսեակ), լուսանայ, լուսատու, լուսին, լուսնակայ, լուսնակ, լուսնեակ»: Ապա թվարկում է նոր կազմված բառերը. «լուսաբաց, լուսադեմ, լուսահոգի, լուսադրիւր, լուսաստղ, լուսամթի, լուսնահող, լուսնաերևի, լուսաուն, լուսփլիլ և այլն³:

1 Ռ. Ե. Թ ու մ ա ն յ ա ն, Լ. Վ. Մ ի ղ ո յ ա ն, Աստղագիտություն, Երևան, 1978, էջ 5:

² Հոդվածում կառուցվածքային վերլուծության են ենթարկվում հին շրջանի այն աստղատոմարական տերմինները, որոնք (շուրջ 350 տերմին) ընդգրկված են «նոր Բառգիրք Հայկազեան լեզուի» երկհատորյակում [(«այսուհետև՝ ՆԲՀԼ), հ. 1, 2, Վենետիկ, 1836, 1837]:

³ : : տիպաբանական տարբերակներ, || հնչյունաբանական տարբերակներ, — հոմանիշներ:

2 Հ. Ա ճ ա ո յ ա ն, Հայերեն արմատական բառարան, հ. 1, Երևան, 1971, էջ 278:

3 Հ. Ա ճ ա ո յ ա ն, Նշվ. աշխ., հ. 2, Երևան, 1973, էջ 294:

Այս կրկու տերմինախմբերով իսկ կարելի է պատկերացում կազմել արմատական տերմինների տերմինակազմական կենսունակության մասին:

Բաղադրյալ են այն տերմինները (և բառերը), որոնք բաղկացած են առնվազն մեկ հիմնական և մեկ երկրորդական կամ երկու հիմնական ձևույթներից (կամ բառերից): Դրանք կարող են լինել երկբաղադրիչ, եռաբաղադրիչ, անգամ բազմաբաղադրիչ կապակցություններ: Բաղադրյալ տերմինների մեջ մտնում են՝ 1. բառը, 2. ածանցավոր և 3. բառակապակցական տերմինները:

1. Գրաբարյան շրջանի հայ աստղագիտական տերմինահամակարգում բարդ տերմինները գերազանցապես երկբաղադրիչ են (եռաբաղադրիչ բարդություններ շատ հազվադեպ են պատահում), և դա բնական է. հայերը շատ վաղուց են հետաքրքրություն ցուցաբերել երկնային օբյեկտների ու երևույթների նկատմամբ, սակայն տվյալ փուլում աստղագիտությունը զարգացման դեռևս այնպիսի մակարդակ չունի, որը նպաստեր բարդ հասկացություններ բովանդակող տերմինների ստեղծմանն ու մշակմանը: Այս շրջանում տերմինակազմություն և առհասարակ բառակազմության շատ արդյունավետ միջոց է բառաբարդումը, որն իրականացվում է հոդակապով և առանց հոդակապի, ընդ որում առաջինները քանակական գերակշռություն ունեն անհոդակապ բարդությունների նկատմամբ: Հոդակապով աստղատոմարական տերմիններից են՝ տրամա-ա-չափ, երկր-ա-կշռություն (քառակողման ծագք աշխարհի), աստեղ-ա-տուն, արեւ-ա-գալ, կաղանդ-ա-ցոյց, տօն-ա-ցոյց, ճրագ-ա-լոյց, ամս-ատօն, ամս-ա-գլուխ, օսմ-ա-ցոյց, օր-ա-ցոյց, լուսն-ա-ցոյց, ամ-ա-ցուցակ, Վր-ա-թիւ, պարզ-ա-տումար, մատն-ա-տումար, զատկ-ա-շաբաթ, պասեք-ա-տօն (տօն զատկի), կրկն-ա-զատիկ (երկրորդ զատիկ), յիս-նակ-ա-մուտ (սկիզբն պահոց յիսնակաց), դար-ա-կոճատ (թիւ բաղկացեալ ի դարէ և ի կոճատէ), մանր-ա-մասն, կրկն-ա-մասն (ժամանակի նվազագույն միավոր), ամս-ա-նահանջ, հասարակ-ա-կէտ, տօթ-ա-ժամ, լուսն-ա-գիր և այլն: Անհոդակապ աստղատոմարական տերմիններից են՝ շուրջ-րնթացք, կից-ընթաց (ուղեկից), հա-ընկալ (չահակիր), շող-էջ (իշումն շողոյ), անկ-աստեղ (անկումն աստեղ), այգ-աստղ, լուս-աստղ, ական-քթիթ (ժամանակի նվազագույն միավոր), արեւ-մայր, միջ-օր, մահիկ-եղջիւր և այլն:

Հին շրջանի աստղագիտական և տոմարական տերմիններում զգալի թիվ են կազմում հոդակապով և անհոդակապ տերմինային տարբերակները, որոնք, սակայն, իմաստային փոփոխական չեն, քանի որ հոդակապն առհասարակ իմաստազուրկ է⁴, օրինակ՝ կիրակ-ա-մուտ||կիրակ-մուտ, ճրագ-ա-լոյց||ճրագ-լոյց, արեւ-ա-մայր||արեւ-մայր, ական-ա-քթիթ||ական-քթիթ և այլն: Մրանցից առաջինն ունի նաև կիրակէմուտ հնչյունաբանական, ավելի ճիշտ՝ շեշտափոխական հերթագայության տարբերակը⁵: Դա նշանակում է, որ կիրակի բառի վերջին ի ձայնավորը, բառաբարդման ժամանակ (+ա+մուտ) -ա- հոդակապին հանդիպելով, շեշտազրկվում է, որի հետևանքով կարող է և՛ սղվել (կիրակմուտ), ե՛ր հնչյունափոխվել (կիրակէմուտ): Հազվադեպ է պատահում, որ հոդակապով և անհոդակապ տերմինային զույգերը ձեռք բերեն իմաստային տարբերակում: Հաճախ այդ ձևերից մեկը դուրս է մնում գործածությունից, իսկ մյուս՝ ժամանակակից լեզվի առանձնահատկություններից ավելի մոտ ու ներդաշնակ ձևը, մտնում է բառապաշարի մեջ:

Բաղադրյալ տերմինների կառուցվածքային քննությունն ամբողջական կարող է լինել միայն այն դեպքում, երբ դրանց բաղադրիչներն ուսումնասիրվեն ևս երկու տեսանկյունից. տերմինի բաղադրիչներն ի՞նչ խոսքի մասեր են

⁴ Հայտնի է, որ նախապես -ա- հոդակապը, որպես այդպիսին, գոյություն չի ունեցել: Գրաբարում ա, ե, է, ու, ի ձայնավորները բառաբնի ձայնավորներ են եղել: Պատմական զարգացման ընթացքում դրանք կորցրել են իրենց այդ նախնական ֆունկցիան, իսկ -ա-ն դարձել է բառակազմական, տերմինակազմական կենսունակ միջոց՝ հոդակապ (տե՛ս է. Աղայան, Ընդհանուր և հայկական բառագիտություն, Երևան, 1984, էջ 263):

⁵ Նույն տեղում, էջ 254:

և՛ այդ բաղադրիչները տերմիններ են, թե լեզվի ընդհանուր գործածական բառեր: Գրաբարյան աստղատոմարական տերմինների կերտման գործում ամենակենսունակ խոսքի մասը գոյականն է: Տերմինաճամակարգում դերակշռում է տերմինների գոյական+բայանիմք կաղապարը. շողէջ, արևագալ, չահատու, լուսատու, ժամադէտ, աստղագէտ, աստեղաբանակ (բառացի՝ աստղերով խոսող, աստղագուշակ), ամանորաբեր, լուսնալիր, ձմեռնամուտ, շաբա՛թամուտ, ամսամուտ շուրջընթաց(ք), շրջաբեր(ք) և այլն: Գործածական են նաև այլ կաղապարներ, ինչպես՝ գոյական+գոյական. այգասող, աստեղատուն, լուսակամար, ամսագլուխ, գիշերատիւ, ամսատօն, մահիկեղջիւր, օրաթիւ, օրագիշեր, զատկաշաբաթ, զատկատոմար և այլն, ածական+գոյական՝ շանթեքար, կիսագունդ, մանրամասնակ, մանրամասն և այլն, թվական+գոյական՝ միաշաբաթ, երկշաբաթ, եռամսակ և այլն, մակբայ+գոյական՝ հարատիւ, մակբայ+բայանիմք՝ կիցընթաց, թվական+բայանիմք՝ յիսնակամուտ բայանիմք+գոյական՝ անկաստեղ, գոյական+ածական՝ օրաշար և այլն:

Տերմինների կառուցվածքային կաղապարներից է նաև բաղադրիչների տերմինաբանական կաղապարը⁶, որտեղ գերակշռում են տերմին+ոչ տերմին բարդութունները, ինչպես՝ աստեղատուն, աստեղաբանակ, ժամագիւտ, աստեղագէտ, աստեղաբաշխ, ժամադէտ, լուսատու, արևագալ, ամսագլուխ, ամսատօն, լուսնագիր, օրահմայ, շաբաթամուտ, մահիկեղջիւր և այլն: Զգալի թիվ են կազմում նաև ոչ տերմին+տերմին՝ կիսահոլով, անկաստեղ, տօթածամ, մանրամասնակ, յարատիւ, կրկնազատիկ, միջնալուսին, միջագիշեր, պարզատոմար և այլն, տերմին+տերմին՝ հասարակածիւր, հասարակակէտ, լուսակամար, հասարակահոլով, այգասող, գիշերատիւ, լուսնալիր, ամսանահանջ, զատկատոմար, զատկաշաբաթ և այլն, կաղապարները: Համեմատաբար քիչ է գործուն ոչ տերմին+ոչ տերմին կաղապարը, օրինակ՝ պակասընթաց, կիցընթաց, շուրջընթաց, կիսագունդ, կրկնամասն, մանրամասն, ճրագալույց, ականքթիթ և այլն:

2. Բաղադրյալ տերմինների կարևոր մասն են կազմում ածանցավոր տերմինները: Իր կազմավորման փուլում հայ աստղագիտական տերմինաճամակարգը նախածանցավոր տերմիններով առանձնապես հարուստ է: Պատահում են և՛ միայն նախածանցներով տերմիններ (նալակայ, նալագօտի, ցերեկ, ցայգ, առամալափ, առամագիծ), և՛ տերմիններ, որոնց կազմությանը միածամանակ մասնակցել են նախածանցներ ու վերջածանցներ (անկիսակ, անմուրակ, մակընթացութիւն, ապախտարփ և այլն):

Գրաբարյան աստղագիտական տերմինաճամակարգում գերակշռում են վերջածանցավոր տերմինները: Վերջածանցներն, ըստ իրենց տարբեր խոսքի մասեր կերտելու առանձնահատկության, բաժանվում են գոյականակերտ, ածականակերտ, մակբայակերտ, բայականական խմբերի: Ամենագործուն վերջածանցներն ինչպես բառակազմության, այնպես էլ տերմինակազմության մեջ, գոյականակերտներն են, որոնցից առավել արդյունավետ են -ութիւն-ը և ումն-ը. հոլովականութիւն, տեղատուութիւն, մշտաշարժութիւն, մշտափայլութիւն, յառաջարժութիւն, յարատեութիւն, շրջաբերութիւն, պակասութիւն, զուգօրութիւն, հասարակաւորութիւն, երկրակշռութիւն, բոլորութիւն, ջահընկալութիւն, նորամասութիւն, կարգաւորութիւն, պարաւորութիւն (շրջան տարույ), երեկութիւն, լրականութիւն, լուսալրութիւն, լուսնաւորութիւն, լրումն, խաւարումն, պարայածումն, ծագումն, խոտորումն, թաւալումն, հոլովումն, բոլորումն, յածումն, ցոլումն, շողումն, աղամողումն, աստեղաբորբոքումն (աստղի բռնկումը), տատանումն և այլն: Հանդիպում են նաև գոյականակերտ այլ վերջածանցներով տերմիններ, ինչպես՝ -անակ. եղանակ, անցանակ (զատիկ), շրջանակ, -ունակ. պարունակ (շրջան, կամար), -ակ. մուրակ, յիսնակ, -է. արևահարք,

6 Լ. Ղազարյան, Հայերեն լեզվաբանական տերմինների համակարգային-կառուցվածքային վերլուծություն (Լեզվի և ոճի հարցեր, պր. 4, Երևան, 1977, էջ 306):

շրջաբերք, արեւելք, արեւմուտք, -եակ. արբանեակ, յօթնեակ (շաբաթ), բոլորեակ (տիեզերք)։

Ածականակերտ վերջածանցներով տերմինները քանակով զիջում են գոյականակերտներով կազմվածներին։ Դա, անշուշտ, վկայում է գոյականակերտ ածանցների առավել գործուն լինելու մասին։ Օրինակներ՝ -աւոր. տոնաւոր, գիսաւոր, վարսաւոր, -ալեան. շրջաբերական, մոլորական, -աղ. համարող (աստղագետ, մաթեմատիկոս), -եալ. յառաջածագեալ, -ալ. վատախտարակ (չարասող, չարաբախտ)։ Աննշան քանակությամբ հանդիպում են նաև բայական-մական վերջածանցներով կազմված տերմիններ, ինչպես՝ շրջագայանալ, խամբանալ և այլն։

3. Հայ աստղագիտական տերմինահամակարգն իր կազմավորման ու զարգացման առաջին փուլում բառակապակցություններով առանձնապես հարուստ է։ Այդուհանդերձ, նթշկում տեղ գտած բառակապակցությունները չափազանց հետաքրքիր են ուսումնասիրման համար, հատկապես, երբ դրանք դիտարկվում են համապատասխան հասկացությունների ժամանակակից անվանումների կողքին, ինչպես՝ նորանալ լուսնի— նորալուսին, աստղ սլացեալ-ասուպ և այլն։

Գրաբարյան փուլում հայ աստղատմարական տերմինահամակարգը չափազանց հարուստ է հոմանիշներով, ինչը գիտության լեզվում անցանկալի երեւյթ է։ Նթշկում կան այնպիսի բառակապակցություններ, որոնք տերմինահամակարգում ունեն իրենց մեկ բառով արտահայտված հոմանիշները, ինչպես՝

աստղ առաւօտին կամ առաւօտու	= Արուսեակ, Աստղիկ
ձերկամիշակ կէտ	= Ժամադիտակ, այժմ՝ գիշերահավասար
կամար կենդանակերպից	= զոդիակոս
սայլակերպ աստեղք	= Սայլք (Մեծ Արջը և Փոքր Արջը)
շուրջ տալ	= Թաւալել (պտտվել)
աստղ սլացեալ	= Թռիչք աստեղածիգք ասուպ

Կան և այնպիսի բառակապակցություններ, որոնք չունեն միաբառ հոմանիշներ, ինչպես՝ եօթնաստեղեան խորանք (յոթ մոլորակների գոտի)=եօթն մոլորակք, ագեւոր աստղ=գիսաւոր աստղ=տունաւոր աստղ=վարսաւոր աստղ (այժմ՝ գիսաստղ)։

Հին շրջանի աստղագիտական տերմինահամակարգում նորմավորվածության բացակայության արդյունք են տերմինային որոշ շաբթեր, ինչպես՝ Յարդգոլ— Յարդագոլ— Հեռ(f) յարդգոլի— Միւր յարդգոլի— Միւր Կաթին-Կաթին ծիր։ Այս հասկացության պատմական զարգացման հետևանքով ժամանակակից գիտական տերմինահամակարգում ընդունվել է Միւր Կաթին տերմինը, իսկ Հարդագոլի եանապարհ կապակցությունն ավելի հատուկ է գեղարվեստական, բանաստեղծական ոճին։ Տոմարական հասկացություններ արտահայտող բառակապակցությունները նույնպես քիչ են։ Դրանցից են՝ անխաղաց կամ անշարժ տոմար, Հայկայ շրջան, վերջատօնակ տօն (երկրորդ զատիկ), վերագիր տոմարական, տանուտէր տարւոյ և այլն։

Կառուցվածքային վերլուծության ժամանակ ընդունված է տերմին-բառակապակցությունները քննել նաև ըստ դրանց բաղադրիչների քանակի, ընդ որում, առանձնացվում են երկբաղադրիչ, եռաբաղադրիչ և բազմաբաղադրիչ տերմիններ։ Կքննենք միայն երկբաղադրիչ տերմին-կապակցությունները, քանի որ եռաբաղադրիչ և բազմաբաղադրիչ կապակցություններ նթշկում չեն հանդիպել, որը, սակայն, հիմք չի տալիս ենթադրելու, որ այդպիսիք չեն եղել աստղագիտության կազմավորման փուլում։

Աստղագիտական տերմինահամակարգում առավելապես տարածված են այն բառակապակցությունները, որոնց մեկ բաղադրիչն ածական է, երկրորդը՝ գոյական, և դա պայմանավորված է ածական + գոյական (գերադաս անդամ) կա-

ղապարի դասակարգողական հատկանիշով⁷։ Այս կապակցության մեջ դոյականն արտահայտում է տվյալ գիտահամակարգի որևէ ընդհանուր գաղափար, հասկացություն, իսկ ածականը կոնկրետացնում է այն՝ դրսևորելով որոշակի հատկանիշ, օրինակ՝ եօթնաստեղեան խորանք, սայլակերպ աստեղք, ագեւոր աստղ, տտնաւոր աստղ, անխաղաց տոմար, անմուար աստղ, հասարակ ար (միջօրե), նրկնամիջակ կէտ և այլն։

Եթե ածական + գոյական կաղապարով գրաբարյան և ժամանակակից տերմինակապակցություններում կա շարադասական համապատասխանություն, ապա գոյական + գոյական կաղապարով կապակցություններում վիճակն այլ է։ Ժամանակակից լեզվին հարադատ է գոյականի սեռական հոլով + գոյականի ուղղական հոլով (գերադաս անդամը հտադաս է) տերմինակապակցությունը, իսկ գրաբարում ունենք գոյականի ուղղական հոլով + գոյականի սեռական հոլով (գերադաս անդամը նախադաս է) կապակցությունը, ինչպես՝ հետք յարգողի, աստղ առաւտու, տանուտէր տարւոյ, ծնունդ լուսնի և այլն։ Պատահում են նաև դերբայ + գոյական (նորանալ լուսնի, լնուլ լուսնի), գոյական + դերբայ (աստղ սլացեալ), գոյական + ածական (վերադիր տոմարական) կաղապարներով բառակապակցական տերմիններ։

Այսպիսով, հին շրջանի աստղատոմարական տերմինների վերլուծությունից պարզվում է, որ աստղագիտական և տոմարագիտական տերմինների կառուցվածքային տիպերի համամասնությունը գրաբարում փոքր-ինչ այլ է. ժամանակակից աստղագիտական տերմինահամակարգում գերիշխում են բաղադրյալ տերմինները, իսկ հին շրջանում պարզ (արմատական) տերմինները կազմում են ողջ համակարգի գրեթե կեսը։ Հին շրջանում բարդ և բառակապակցական տերմինները գերազանցապես երկբաղադրիչ են։

СТРУКТУРНЫЙ АНАЛИЗ АСТРОНОМИЧЕСКИХ И КАЛЕНДАРНЫХ ТЕРМИНОВ ДРЕВНЕАРМЯНСКОГО ЯЗЫКА

ВАЛЯ АВЕТИСЯН

Резюме

Анализ астрономических и календарных терминов древнеармянского языка, отраженных в «Новом словаре армянского языка» (около 350 терминов), показывает, что пропорциональность структурных типов астрономических и календарных терминов в грабаре несколько иная, чем в современном армянском языке. Если в современном периоде в системе астрономических терминов преобладают составные структуры, что обусловлено высокой степенью развития науки, то в древнеармянском языке простые (корневые) термины составляют почти половину всей системы, причем термины образуются такими средствами, как словосложение (в частности, конструкции с соединительной гласной и без нее) и суффиксация (префиксальные, суффиксальные и префиксо-суффиксальные образования). Рассмотрение структурных моделей астрономических терминов проводится с точки зрения категориальной (частеречной) характеристики компонентов и их терминологической значимости (являются ли они терминами или принадлежат к общеупотребительной лексике).

7 Վ. Ղազանչյան, նշվ. աշխ., էջ 305։